



Ալեքսանդր Շիրվանզադե

Նամուս

11

Հանկարծ գլուխը քարշ ձգեց, ձեռները հեռացրեց դաշույնից և սառն օղի մեջ կրծքից արձակեց մի ծանր հառաչանք: Կարծես,

նրա ուսերից այդ հառաչանքի հետ միաժամանակ ընկավ մի ճնշող

սույնանման կտորներ, երկրորդը՝ ուտելիք և ընպելիք, այն է օղի,

գինի, յուղ, բրինձ և ուրիշ զանազան տեսակի խմիչքներ և մանր-մունր պարագաներ: Խանութը բաժանված էր նույնպես երկու մասերի մի տախտակյա պատով ներսի կողմից:

Նույն ժամին, երբ Մեյրանը յուր օթևանից դուրս վազեց, Ռուստամի խանութի երեք դռներից մեկը կիսով չափ բաց էր: Այդ ընպելիքների բաժինն էր: Այդտեղ Ռուստամը մի քանի շամախեցիների հետ ընթրում էր: Սեղանի գլխում նստած էր ինքը Ռուստամը: Նրա աջ ու ձախ կողմերում նստած էին երկու առևտրական ընկերներ, որոնցից մեկը մի միրքավոր երիտասարդ էր լեզգու հագուստով, մյուսը՝ առանց միրուքի միջին տարիքով մի մարդ էր Շամախու հագուստով: Սրանց մոտ նստած էին երկու ուրիշ հյուրեր, որոնք Շամախուց նոր էին Շուրա եկել: Դրանցից մեկը առողջակազմ և հաստ երեսով մի երիտասարդ էր մոտ երեսուն տարեկան, մյուսը մի պատանի կես-ասիական ու կես-եվրոպական հագուստով:

Ռուստամի ընթրիքն այդ երեկո սովորականից մի քիչ ճոխ էր: Նա հյուրասիրում էր յուր նորեկ համաքաղաքացիներին: Թե՛ Ռուստամի և թե՛ հյուրերի գլուխները բավական տաքացած էին գինով: Ռուստամի ընկերները ոգևորված խոսում էին նորեկների հետ, հարց ու փորձ էին անում դրանց իրանց հայրենիքի, ընտանիքի, ազգականների և ուրիշ բաների մասին: Յուր բնավորության համեմատ, Ռուստամը ամենից սակավ էր խոսում: Միայն երբեմն նա ևս հատ ու կտոր հարցեր էր տալիս նորեկներին և հատ ու կտոր պատասխաններ ստանալով, կրկին լռում էր:

Ասում են, որ կուժ ծախողանց Սեյրանն էլ է այստեղ, ճշմարիտ է, հարցնում էր նորեկ պատանին:

Ես երեկ լեզգի բազարում տեսա նրան, խանչալ էր առնում, պատասխանեց Ռուստամի ընկերներից մեկը:

Ռուստամը լսելով «Սեյրան» անունը, աչքունքը թթվեցրեց և մի հարցական հայացք ձգեց նորեկ պատանու վրա: Վերջինն այս չնկատեց:

Ուզում են նրան տեսնել, կրկին խոսեց պատանին:

Ի՞նչ գործ ունես նրա հետ, հարցրեց միրքավոր և լեզգու

հագուստով երիտասարդը, աչքի տակով նայելով Ռուստամի երեսին:

Նրա մայրը ինձ խնդրել է, որ մի քանի խոսք ասեմ նրան:

Էգուց կարող ես լեզգի բազարում տեսնել, կարծես միշտ այնտեղ է լինում:

Չեմ իմանում: Երեկ ես իրանից հարցրի, ոչինչ չասաց, աչքունքը ծռեց և հեռացավ:

Շատ է հպարտացել, կասես, ոսկու մաղան է գտել, բայց ինքը քաղցած գլոտում է, հագին հալավ չունի, վեղացրեց անմիրուք առևտրականը:

Ասում են շալ առնելու է եկել, մեջ մտավ հաստերեսանի նորեկը:

Ցավերո՞վդ:

Հայրը փող տված կլինի էլի:

Հոր մոտ նրա անունը տալ չի լինում, ի՞նչ փող, մեջ մտավ պատանին: Ես դուրս գալու օրը հարցրի, ասում եմ. Հայրապետ ապեր, Սեյրանին որ տեսնեմ Դադաստանում, ի՞նչ ասեմ: Նա երեսիս ծուռ մտիկ արավ ու ասաց. «կասես, որ այնտեղից էլ դ եմը կորչի, որ անունը չլսվի»:

Լավ փշացավ այդ տղեն, կրկին մեջ մտավ անմիրուքը:

Փշացավ, կրկնեց հաստերեսանին:

Ռուստամը գլուխը թեքեց կրծքին և ձեռը ճակատին դրավ: Անմիրուք առևտրականը նայեց նրա վրա և դարձավ խոսողներին:

Խալխի ցավը մեզ չեն տվել, թողե՛ք Սեյրանին, քեֆ արեք, տեսնենք:

Ռուստամ ջան, այս էլ քո կենացը, ասաց նա մի բաժակ գինի ձեռին:

Քո կենացը, կրկնեցին ամենքը միաբերան և բաժակները դատարկեցին:

Դրսից մեկը երկու անգամ դռներին գարկեց:

Ռ՞վ ես, հարցրեց Ռուստամը, մոտենալով դռներին:

Աստուծո հյուրը:

Դռները բացվեցին, և Սեյրանը երես առ երես հանդիպեց յուր ոխերիմ թշնամուն, Ռուստամին: Սեյրանը Ռուստամին շատ

անգամ էր տեսել, այնինչ՝ վերջինը Սեյրանին թեև Շամախում տեսել էր, բայց չէր ճանաչում, չգիտեր, որ նա է յուր հակառակորդը:

Առաջիս վայրկյանին Սեյրանը շփոթվեց, տեսնելով յուր սրտին ամենաատելի կերպարանքը: Բայց նա կարողացավ իրան գսպել:

Ո՞վ ես, կրկին հարցրեց Ռուստամը, միևնույն ժամանակ չկտրելով անկոչ հյուրի ճանապարհը:

Մը դարիք տղա, պատասխանեց Սեյրանը, հայացքը ձգելով խանութում նստողների վրա:

Աչքիս վրա տեղ ունի ամեն մի դարիք, ասաց բարեկամաբար Ռուստամը, Սեյրանին ներս թողեց և դռները կրկին ծածկեց:

Օհո՛, Սեյրան ջահիլ, դո՞ւ որտեղ, այստե՞ղ որտեղ, բացականչեց լեզգու հագուստովը:

Սեյրան, կրկնեց Ռուստամը անգիտակցաբար և հայացքը բևեռեց այդ անունը կրողի վրա:

Ռուստամ, ի՞նչ ես սառել, չե՞ս ճանաչում: Դա մեր շամախեցի կուժ ծախող Հայրապետի տղեն է, համեցեք արա՛, ի՛նչ ես կանգնել, շարունակեց լեզգու հագուստովը:

Ռուստամը տեղից շարժվեց: Նա զարմացած նայում էր հերթով բոլորի երեսներին: Սեյրանը ձյունի մեջ կորած յափունջին մի կողմ շարտեց, համարձակ քայլերով շարժվեց առաջ և, առանց Ռուստամից հրավիրվելու, մոտեցավ սեղանին և նստեց նստարանի վրա: Պատանին մոտեցավ նրան և, ձեռք մեկնելով, ասաց.

Շամախուց նոր եմ եկել, մայրդ շատ բարև արաց և ասաց որ...

Շնորհակալ եմ, ընդհատեց Սեյրանը, անփույթ կերպով սեղմելով պատանու ձեռք և երեսը մի կողմ շուռ տվավ այնպես, որ վերջինը ստիպվեց լռելու:

Վերջապես, Ռուստամը ուշքի եկավ և ընդունելով իր նախկին դիրքը, սառնասրտությամբ նստեց սեղանի առաջ:

Այ տղա, Համբարձում, նոր գինի, Սեյրանը մրսած կլինի, թող քիչ տաքացնենք նրան, հրամայեց լեզգու հագուստով միրքավորը:

Հա՛, գինի տվեք, ես շատ եմ ծարավ, ասաց Սեյրանը,

գլխից ձյունաթաթախ շուլլահին վերցնելով և մի կողմ ձգելով:

Խանութի փոքրիկ և աշխույժ գործակատար Համբարձումը մի

րոպեում մեջտեղ դրավ երկու լիք շշեր, չնայելով որ սեղանը լիքն էր կիսատ շշերով:

Կոնձի՛ր, ներսդ տաքացրու, որ դուրսդ էլ տաքանա:

Սեյրանը, կարծես, հենց մի՛ այդպիսի առաջարկության էր սպասում: Նա վերցրեց բաժակը, դատարկեց, վերցրեց երկրորդը, նույնպես դատարկեց և դրեց սեղանի վրա:

Ռուստամը յուր հայացքը նրանից չէր հեռացնում: Մյուսները նույնպես զարմացած նայում էին նրան: Միրքավոր երիտասարդը, այդ նկատելով, բարձրացավ տեղից և հայտնեց.

Ով որ չի ճանաչում, թող ճանաչի: Դա մեր շամախեցի կուժ ծախող Հայրապետի տղեն է, մի քեֆ անող ջահիլ: Դրա նման տղերք քիչ կան, Ռուստամ, ես երկու տարի առաջ Շամախում մի լավ քեֆումն եմ ճանաչել:

Ռուստամը կրկին նայեց Սեյրանին և լռեց: Իսկ Սեյրանը, նստողների վրա ուշադրություն չդարձնելով, կրկին համարձակորեն լցրեց երկու բաժակ և դատարկեց:

Այ ապրես, ապրես, Սեյրան ջահիլ, տղա ես, որ առանց նագի բանդ շինում ես, բացականչեց միրքավոր երիտասարդը: Հետո նա աչքով արավ հանդիսականներին, և սրանք, մի-մի բաժակ լցնելով, սովորական խոսքերով շնորհավորեցին Սեյրանի գալուստը և դատարկեցին:

Խնջույքը տաքացավ, և ամենքը սկսեցին իրարու հետևից բաժակները լցնել և դատարկել, բացի Ռուստամից, որը Սեյրանի ներս մտնելուց հետո լուռ էր և ոչնչի ձեռք չէր տալիս:

Հայրապետ ապորը ես ճանաչում եմ, ի՛նչպես չէ. նա հորս հետ լավ բարեկամ է, մեր տուն գատիկ, ջրօրհներ շնորհավորելու էր գալիս, մեջ մտավ հաստ երեսով երիտասարդը, որ Շամախուց նոր էր եկել: Տղերք, մի լավ կոնծենք Սեյրանի կենացը:

Իրան երկու-երկու խմեցրեք, որ մեր չափին հասնի, ավելացրեց միրքավոր երիտասարդը:

Բացի Ռ-ուստամից, ամենքը Սեյրանի կենացը խմեցին: Սեյրանը երեք բաժակ գինի իրարու հետևից դատարկեց իբրև ի նշան

խորին շնորհակալության:

Քառորդ ժամից հետո խնջույքը բոլորովին տաքացավ: Միրքավոր

երիտասարդը սկսեց անկարգ-անկանոն պարսկերեն երգել, կամ, ուղիղն ասած, գոռալ խիստ անախորժ ձայնով: Մյուսները սկսեցին խոսել, վիճաբանել, բացի Ռ-ուստամից, որ լուռ ու մունջ երբեմն գինու բաժակը մոտեցնում էր շրթունքներին ու դարձյալ հետ դնում չխամած:

Սեյրանը նույնպես լուռ էր, սակայն նրա գլուխը տաքացել էր, աչքերի բիբերը արդեն փայլում էին:

Ռ-ուստամը, որի առնական բիրտ դեմքը պատել էր սովորական մռայլություն, արմունկները դրավ սեղանի ծայրին, գլուխը հենեց ձեռների ավերին և մնաց անշարժ: Նա մտածում էր.

«Դա նա է: Սիրտս վկայում է, որ այստեղ մի բան կա էլի: Բայց ի՞նչ բան պիտի լինի: Նա հո սուտ էր, սուտ էր: Հը՛մ: Չէ՛, անցյալ օրը Գյամագանց Մուրադը մի ակնարկ արավ խոսելու ժամանակ. «Սեյրանը եկել է, սոված շունը կատաղած է լինում, մուղայիթ կաց հա՛, ասաց նա»: Սեյրանը իմ կնկա առաջվա փեսացուն է: Այդ ես անցյալ շաբաթ եմ իմացել: Սուսանի ծնողները նրան Սեյրանից կտրել ու ինձ են տվել: Մեր քաղաքի ադաթն է, մեկի վրա նշանել ու հետո ուրիշին տալ: Այստեղ զարմանալի բան չկա: Բայց սիրտս, չգիտեմ ինչու, էլի ասում է, թե անպատճառ մի բան պիտի լինի: Ի՞նչու համար է նա գիշերվա կիսին եկել: Ո՛չ

բարեկամներ ենք, ո՛չ ազգականներ և ոչ էլ իրարու ճանաչում ենք: Մեկ էլ որ նա իմանում է, թե ես ո՛վ եմ: Տեր աստված, չեմ հասկանում, չեմ հասկանում: Եկել է, սուս ու փուս նստել ու խմում է: Կասես, տասը տարի ինձ հետ ընկերություն է արել: Ի՛նչ լրբություն, ի՛նչ աներեսություն, հը՛ն, թե՞ վեր կենամ, կոնից բռնեմ դուրս ձգեմ: Տես ինչպես է ճակատի տակից, աչքերը պլգած, մտիկ անում ինձ: Մարդ կարողանա իմանալ, թե ինչ է մտածում: Տեր աստված, շան պես է լակում: Հարբել է, աչքերը պլպլում են: Ինչո՞ւ է այդքան խմում: Ինչո՞ւ է ընկերներիս դեմքը փոխվել, ինչո՞ւ են կասկածանքով մտիկ անում ինձ ու նրան: Համբերեմ, երևի, բանը շուտով կպարզվի, գուր չէ եկել նա այստեղ:

Էլի սիրտս օձ կծեց, էլի հարսանիքի գիշերվա տանջանքը...»:

Այսպես մտածելով, Ռուստամը մատների արանքով մտիկ էր

անում հերթով մերթ Մեյրանին, մերթ մյուսներին:

Վերջապես, միրքավոր երիտասարդը ոտքի կանգնեց և ասաց.

Տղերք, գիշերը անցնում է, ժամանակ է տուն գնալու, բաժակներիդ լցրեք, որ մեր թանկագին Ռուստամի կենացը մեկ էլ խմենք, շնորհակալություն ասենք ու ցրվենք:

Ամենքն անհապաղ կատարեցին միրքավոր երիտասարդի առաջարկությունը, մի-մի բաժակ լցնելով և ոտքի ելնելով:

Մեյրանն անշարժ էր:

Ռուստամ, աստված մինդ հազար անի, ասաց բարձր ձայնով և հանդիսավոր եղանակով նույն միրքավոր երիտասարդը: Տղերք, միաբերան աստծուց խնդրենք, որ նա շուտով Ռուստամին մի լավ դոչ տղա պարզվի:

Ամեն, ամեն, տեր աստված, կրկնեցին միաբերան բոլորը:

Մեյրանը լուռ էր:

Մեյրան, վեր կաց, ի՞նչ ես թմրել, գոչեց միրքավորը:

Մեյրանը թուլացած իրանն ուղղեց և բարձրացավ տեղից: Միրքավորը մի բաժակ գինի լցրեց և առաջարկեց նրան:

Աո՛, խմիր և աստծուց խնդրի, որ նա մի լավ որդի բաշխի Ռուստամին: Հը՛, շուտ արա, ի՞նչ ես պատավ կնկա պես թուլացել:

Մեյրանը բաժակը վերցրեց և մի հայացք ձգեց բոլորի վրա: Նա կազդուրեց իրան և գլուխը հպարտ բարձրացրեց վեր: Հետո նա աջ ձեռքը դրավ դաշույնի կոթի վրա և ձախ ձեռով բաժակը գլխից վեր բարձրացնելով, արտասանեց.

Ադա թամադա, ինչպես հրամայեցիր, ես էլ ցանկանում եմ պարոն Ռուստամին երկար կյանք, առողջություն, հարստություն, տուն տեղ, ձեզ պես ընկերներ, ինձ պես հյուր . . . հուռա՛:

Հուռա՛, կրկնեցին միայն Շամախուց եկածները:

Այ դոչադ, լավ ճառ ասել գիտես հա՛ա, բարեկամ, բացականչեց միրքավորը:

Ռուստամն յուր աչքերը շէր հեռացնում Մեյրանի երեսից:

Մեյրանը շարունակեց:

Ադա թամադա, ինչպես հրամայեցիր, ես էլ խնդրում եմ

աստծուց, որ նա Ռուստամին պարզևի մի լավ դոչադ տղա գավակ: Մաղթում եմ, որ այդ տղան լինի յուր նման շնորհքով, աշխատող և...քաջ...

Ամեն, ամեն, տեր աստված, կրկին բացականչեցին Շամախուց նոր եկածները:

Վարդապետի լեզու ունի, մեջ մտավ անմորուս առևտրականը, որ ամենից քիչ էր խոսում:

Սարգիս վարպետի աշակերտ կասեն դրան հա, լավ ճանաչեցեք, ավելացրեց միրքավոր երիտասարդը: Հըմ, Մեյրան, էլ ասելիք ունի՞ս, ասա:

Մեյրանը շրթունքները կրծոտեց և ձեռը ավելի ամուր սեղմեց դաշույնի կոթին:

Ռուստամի գննող հայացքը բնեղաված էր նրա վրա:

Տա աստված, որ Ռուստամի տղան աչքունքով էլ, երեսով էլ իրան պես լինի, որովհետև...

Հը՛ն, բացականչեց անհամբերությամբ միրքավորը:

Հը՛ն, արտասանեց անգիտակցաբար Ռուստամը:

Որովհետև... որովհետև... նահլաթ քեզ, չար սատանա:

Որովհետև գինին շատ զոռ է անում գլխիդ, միջամտեց կրկին անմիրուք առևտրականը:

Թողեք, թողեք, վերջացնի, հրամայեց միրքավորը:

Որովհետև ես գիտեմ, որ Ռուստամի տղան, հաստատ գիտեմ, որ նա... նահլաթ չար սատանին:

Հը՛ն, շեշտեց միրքավորը:

Հը՛ն, կրկին արտասանեց Ռուստամը:

Կարճ կապիր, ավելացրեց միրքավորը:

Որ Ռուստամի տղան կամ աղջիկը (այդ աստված է իմանում),

■■ ■■■■ ■■■■■■ ■■■■ . . .

Չէ՛, շատ է երկարացնում:

Որ պիտի շուտով ծնվի, չէ թե իրան՝ Ռուստամին կնամանի, չէ, երես-մերեսով, աչքունքով կնամանի կուժ ծախող Հայրապետի տղա Սեյրանին, ինձ, ինձ...

Վերջին խոսքերն արտասանելով, Սեյրանը բաժակը առանց դատարկելու շարտեց հատակի վրա: Գինու շիթերը ընկան հանդիսականների

երեսին, ի միջի այլոց և մի կաթիլ Ռ-ուստամի ճակատի վրա:

Հանդիսականները զարմացած նայեցին Սեյրանի երեսին:

Ռ-ուստամը ինչպես կար կանգնած, նույնպես և մնաց, միայն նրա դեմքը մի վայրկյանում փոխվեց, կտավի պես սփրթնելով:

Քառորդ թուպեի չափ տիրեց լռություն: Ո՛չ որ չհասկացավ Սեյրանի խոսքերի միտքը:

Բաժակը ի՞նչ էր արել քեզ, ընդհատեց խորհրդավոր լռությունը անմիտք առևտրականը:

Բաժակը՞: Ես բաժակը փշրելով, փրշում եմ այն մարդու պատիվը, որին դուք այդքան պատվում եք և որն այդ բաժակի տերն է:

Ռ-ուստամը մի քայլ առաջ շարժվեց դեպի Սեյրանը, բայց կրկին կանգնեց և աջ ձեռը առաջ տարածելով, շնչասպառ ձայնով ասաց.

Պարոն Սեյրան, ես քեզ չեմ ճանաչում, առաջին անգամն եմ տեսնում երեսդ: Ասա՛, ինչո՞ւ ես եկել իմ խանութը և ինչո՞ւ ես այդ անպատիվ խոսքերն ասում:

Անպատիվ մարդը անպատիվ խոսքերի է արժանի: Ես եկել եմ, որ քեզ ճանաչեցնեմ այստեղ եղողներին (նա մատնացույց արավ հանդիսականներին): Բենամուս ջահիլ, ես քեզ խոսք ասացի, դու նրա միտքը չհասկացար: Եթե ուզում ես, կարող եմ պարզ ասել...

Սեյրան, ի՞նչ ես դուրս տալիս, գինին քեզ գժվեցրել է, ընդհատեց միրքավոր երիտասարդը:

Այդ քո բանը չի, քաշվիր: Ես որքան էլ որ հարբած լինեմ, գիտեմ ինչ եմ խոսում:

Դուրս եկ, կորիր, թե չէ, աստված գիտե, արյունս գլխովս է տալիս, գոռաց Ռ-ուստամը այնպիսի կատաղի ձայնով, որ հանդիսականները սարսեցին:

Թող կորչի այն մարդը, որի նամուսը աղբի մեջ է թաղված: Ռուստամ, աչքերդ բաց արա, ես Սեյրանն եմ, այն Սեյրանը,

որ քո ընտանիքում երկրորդ հայր կլինի շուտով: Գնա՛, գնա՛, քաշիր չուերը ընկած կնոջդ կապը և հետո սիրտ արա ինձ հետ խոսելու:

Ռուստամը վազեց դեպի խանութի պատը: Մի վայրկյանում նա խլեց երկայն դաշույնը, մերկացնելով հարձակվեց Սեյրանի վրա:

Հանդիսականները շփոթվեցին, բարձրացավ խառնաշփոթ աղմուկ: Միրքավոր երիտասարդը մեջ ընկավ և քաջությամբ կտրեց Ռուստամի առաջը:

Թող թիքա-թիքա անեն շուն շան լակոտին, թո՛ղ, ասում եմ, գոռաց Ռուստամը, աշխատելով դուրս պրծնել անմիտության գրկից:

Կնիկը պիտի մի մարդ ունենա, թող մեզանից մեկը մնա, ասաց Սեյրանը, նույնպես մերկացնելով յուր դաշույնը:

Կծիր լեզուդ, թե՛ չէ ես էլ համբերությունից դուրս եկա, գոռաց նրա վրա անմիտութեան երիտասարդը:

Շամախուց նոր եկածները Սեյրանին բռնեցին:

Թո՛ղ, ասում եմ, թե՛ չէ փորդ կխրեն, բղավեց կրկին Ռուստամը:

Սեյրանը դաշույնը դրեց պատյանի մեջ, մոտեցավ խանութի անկյունին, վերցրեց յափունջին, ձգեց թևին և դուրս վազեց, բացականչելով.

Եթե՛ չես հավատում, գնա՛, գնա՛, բաց արա կնոջդ կուրծքը և մտիկ տուր սև խալին, սև խալին, սև խալին...

Տրաքեց սիրտս, բա՛ց թողեք ասում եմ, խալը, խալը, կրծքի սև խալը, ո՛ւ՛Ֆ...

Ռուստամը թուլացավ միրքավորի գրկում, դաշույնը ընկավ նրա ձեռքից:

Բռնեցե՛ք, մի թողնեք փախչի, ես նրան կտոր-կտոր պիտի անեմ, գոռաց
միրքավորը: Նա հանեց յուր դաշույնը և դիմեց դեպի դռները:

Իգուր է, նա կորավ, գնաց, բռնեցին նրան նորեկները:

Չուր, ջուր բերեք, խեղճ տղան մեռնում է, բացականչեցին

չորս կողմից, Ռուստամին շրջապատելով:

Չեմ մեռնում, փոքր ջուր, սիրտս այրվեց, փշրված ձայնով

արտասանեց Ռուստամը, գլուխը բարձրացնելով:

Ուշքի եկ, Ռուստամ, կորավ այն լակոտը, ասավ միրքավորը, բռնելով Ռուստամի
թևից:

Ո՛չ որ չի հավատում նրա կեղտոտ խոսքերին, մեջ մտավ հաստերես
երիտասարդը:

Նա ինքն անպատիվ է եղել սաղ քաղաքում, ուզում է ջիգր քեզանից հանի,
ավելացրեց պատանին:

Սավադ, դարձավ Ռուստամը միրքավոր երիտասարդին, ոտքի կանգնելով և
աշխատելով զսպել յուր վրդովմունքը: Սավադ, վազ տուր, հենց այս բույսին մի
ձի վարձիր, ա՛ն փողը, ահա: Նա հանեց գրպանից փողի քսակը և մեկնեց
Սավադին:

Ի՞նչ ես անում, հարցրեց զարմացած վերջինը, քսակը չընդունելով:

Լավ խաբեցին, լավ քանդեցին տունս: Ես աննամուս եմ, ախ մայր, մայր,
մեղավորը դու ես, կեղտոտեցիր անունս: Կրծքի խալը, հըմ, Սուսան, այդպե՛ս,
հաս՛, դու անատակ...

Ռուստամ, գժվել ես, ինչե՞ր ես դուրս տալիս, ասացին ամենքը միաձայն, անմեղ
կնոջդ մասին ինչ բաներ ես մտածում, խելքի եկ, նա արդար է:

Ինչով իմանամ, որ արդար է: Յոթ սարերի հետևում ի՞նչ գիտեմ, նա ինչեր է անում: Կրծքի խալը, օօ՛օ, այդ լավ նշան չէ, սև . . . խալը, խալը . . .

Լավ նշան չէ, ճշմարիտ է, կրկնեց անմիտորը:

Ռուստամը նայեց նրա երեսին և ավելի սփրթնեց:

Ինչ եմ անում, ասաց նա ինքն իրան: Տղամարդ ես, խելքի եկ, Ռուստամ, ուշքդ հավաքիր, նամուսդ տափը չի մտել: Տղերք, եթե ինձ սիրում եք, եթե իմ ընկերությունը ձեզ համար գին ունի, աղաչում եմ, հենց այս րոպեին ինձ ամար մի ձի վարձեցեք:

Հերիք է, Ռուստամ, ինչ երեխայություններ ես անում,

հակառակեց Սավադը:

Ինչպես մի մարդ, որ մտաբերում է մի քստմնելի և զգվելի տեսարան:

Բահ, նա դողում է, նրա մազերը ցցվում են, երբ միտն է ընկնում այն գիշերվա յուր վարմունքը: Այդ ինչ մի չար ուժ էր, որ ստիպեց նրան դիմել այդ սարսափելի միջոցին: Տեր աստված, տեր աստված, ի՞նչ հետևանք կունենան Սեյրանի խոսքերը, ի՞նչպես կտանի Ռուստամը այդ խայտառակությունը: Օօ՛օ, Սեյրանը գիտե, գիտե, նա լսել է Ռուստամն ինչ բնավորության տեր մարդ է: Ասում են, թե նա հենց այս գիշեր ճանապարհ է ընկել դեպի Շամախի: Ինչո՞ւ: Հըմ, ինչո՞ւ: Ով լիներ Ռուստամի տեղը, որ մի րոպե մնար: Նա կատաղի, ինքնասեր, կիսավայրենի լեզգիների մեջ ապրած մարդ է, նա համբերել չէր կարող մանավանդ ուրիշների մոտ, մանավանդ յուր ընկերների մոտ, որոնց հարգանքը նա միշտ վայելել է իբրև մի պատվասեր, մի նամուսով մարդ:

Սեյրանը ծխախոտը ձգեց մի կողմ, յափունջին քաշեց ուսերին, բարձրացավ տեղից և սկսեց օթևանում շրջել հետ ու առաջ:

Հապա, այ ինչ ասել է նամուս, շարունակեց ինքն իրան խոսել Սեյրանը, Ռուստամն անպատճառ գնաց տեղեկանալու, ստուգելու իմ հայտնած գաղտնիքը:

Գաղտնիքը ստուգելու է, նա տեսնելու է Սուսանի կրծքի խալը: Օհ, եթե հնար լիներ այդ խալը հենց այս րոպեին շնչելու: Այն ժամանակ ինչո՞վ կվերջանար բանը: Այն ժամանակ Սեյրանն ինքը կկորչեր: Բայց, արդյոք, ավելի լավ չէ՞, որ Սեյրանն ինքը կորչի, քան թե, քան թե, այո՛, մի անմեղ, մի անարատ արյուն թափվի: Չէ, արդեն ուշ է, բանը բանից անցել է: Ռուստամը տեսնելու է խալը, իսկ տեսնելուց հետո ինչ կանի նա այդ Սեյրանի համար շատ պարզ է:

«Ու՛ֆ», խորը հառաչեց Սեյրանը, աջ ձեռքով մի ուժգին հարված տվավ ճակատին և մնաց օթևանի մեջտեղում անշարժ: Սուսան, այդ ի՞նչ չարություն էր, որ նա արավ քեզ, չէ՞ որ դու արդար ես ինչպես մի անմեղ երեխա, մաքուր ես, ինչպես այսօրվա արեգակի լույսը: Ի՞նչ տեղ հասցրեց քեզ քո հավատարմությունը:

Չէ՞ որ նա Սուսանին սիրում էր, չէ՞ որ հենց այս սերն էր⁷

որ տանջում էր նրան: Բայց ինչպես պատահեց, որ մի ամսվա ընթացքում այդ սուր սերը սուր ատելության փոխվեց: Ո՞վ էր

մեղավոր, ո՞վ էր Սեյրանին փոխողը: Մի՞թե այն ներքին փտած, զգվելի որդը, այն թունավոր օձը, որ «ինքնասիրություն» է կոչվում: Տեր աստված, տեր աստված, մի՞թե կարելի է այդպես ցույց տալ ինքնասիրություն: Ոչ, ոչ, այդպես շներն էլ չեն անում: Այդ վրեժխնդրություն չէր, այդ վախկոտություն էր, կեղտոտ վախկոտություն: Սեյրանը լսել էր և ինքը դեռ մի շաբաթ առաջ աչքով տեսել էր, թե լեզգին ինչպես է վրեժխնդիր լինում յուր հակառակորդից: Լեզգին յուր թշնամուն սպանում է երես առ երես կանգնելով նրա առաջ, և սպանում է յուր վրեժը հանելու համար, ճշմարիտ վրեժը: Լեզգին տղամարդ է, տղամարդու հետ է կռվում և ինչպես է կռվում յափունջու վրա: Լեզգին երբեք կնոջից վրեժ չի հանում, թեկուզ այդ կինն իրան մինչև հոգու խորքը վիրավորած լիներ: Իսկ Սեյրանը, նա ումի՞ց է հանում յուր վրեժը: Մի թույլ արարածից, Սուսանից: Ինչո՞ւ, ինչո՞վ է մեղավոր Սուսանը, ի՞նչ է արել Սեյրանին: Ոչինչ, ոչինչ, տեր աստված, նա մի խեղճ աղջիկ էր, ծնողները տվին իրանց ցանկացած մարդուն, և ինքն էլ գնաց: Ի՞նչ կարող էր անել: «Չէ, Սեյրանը վատ բան արավ, շատ վատ բան, այնքան վատ, որ ոչ ոք, ոչ ոք չէր անի: Ախ աստված, մի՞թե այնքան ատելի էր քո աչքում, այնքան դու նրան մոռացել էիր, որ գոնե մի վայրկյան այդ երեկո

նրան չմտաբերեցիր: Ի՞նչ անե հիմա, ի՞նչպես արածը հետ դարձնի, թքածն ի՞նչպես լիզե: Կլիզե, կլիզե, եթե միայն այդ կարելի լինի: Ծանր մեղք է, շատ ծանր, Կայենի սպանությունից էլ ծանր, Հուդայի մատնությունից էլ աններելի և զզվելի: Ոչնչացրու նրան, տեր աստված, վեր առ այս աշխարհի երեսից, հոգին ուղարկիր դժոխք, բաժանիր սատանաներին: Հա, բաժանիր և հրամայիր, որ ասեղների ծայրերին ցցած խորովեն գեհենի կրակի մեջ: Սեյրանը գարշելի արարած է, արժանի է այդ պատժին: Բայց ոչ, սպասի՛ր, մի՞թե արժանի է,

մի՞թե միակ մեղավորը նա է...

Սեյրանը մոտեցավ օթևանի պատուհանին և սկսեց նայել

դեպի քարվանսարայի բակը: Նրա անորոշ հայացքն անցնում էր բակում գտնվող մի առարկայից դեպի մյուսը: Նա մերթ մտիկ էր անում դատարկ, փեյինաթաթախ սայլերին, որոնց մոտ կապած ձիերը, գլուխները մի մսուրի մեջ մտցրած, դարման էին ուտում, երբեմն խրխնջալով, մերթ մտիկ էր անում տախտակյա ծածկոցի կտուրին, որի տակ մի խումբ սայլապաններ, խարույկի շուրջը տաքանալով, խոսում էին ու ծիծաղում: Մոտ քառորդ ժամ նա մնաց այդ դրության մեջ: Հանկարծ երեսը շուտ տվավ, ձեռները խաչաձև դարսեց կրծքին, գլուխը թեքեց դեպի աջ ուսը և սկսեց ինքն իրան խոսել: Ծնվեցի թե չէ, այս աշխարհում մի բախտավոր, մի հանգիստ օր չտեսա և սպասում եմ, այսուհետև տեսնեմ: Այսուհետև, երբ բանը բանից անցել է, երբ հույսերս մեռել են: Չէ, որքան որ մտածում եմ, ուրիշ ելք չկա, բացի մեկից:

Արտասուքի կաթիլները դուրս գլորվելով նրա աչքերից և սահելով նիհար երեսով, թրջեցին նորաբույս միրուրը: Նա հանեց արխալուղի գրպանից մի մեծ թաշկինակ և նրանով ցամաքեցրեց աչքերը:

Մնացեք բարով, ծնողներ, մնաս բարով, մայր: Նա ձեզ այնքան չարչարել է, որ լեզուն անգամ չի պատում ներողություն խնդրելու: Քսան տարով դուք շուտ ծերացաք նրա պատճառով: Ներեցեք և դուք, Բարխուդար, Գյուլնագ և Սնբատ, հա, նա ձեզ էլ շատ տանջեց: Հա, Բարխուդար, նա քեզանից ներողություն է խնդրում, նա քո անունը իզուր տեղը Շամախում կոտրեց: Ով որ լինեք քո տեղը, ուրիշ կերպ չէր կարող անել: Հիմա Սեյրանը գիտե, որ այդ բոլորի մեղավորը ինքն է: Մուսան, Մուսան, քեզ ի՞նչ ասի, քեզանից ի՞նչ երեսով ներողություն

խնդրե՛ք: Մեղքն այնքան ծանր է, որ ներողություն խնդրելն անգամ մի ուրիշ հանցանք կլիներ: Բայց ի՞նչ անե՛ք: Դու անպատճառ գոհվելու ես նրա չար ստախոսությանը, հրմ, ի՞նչ անե՛ք:

Հանկարծ գլուխը բարձրացրեց: Է՛հ, վճռված է, էլ երկար մտածել հարկավոր չէ, փշրված ամանը չի կարելի սաղացնել, իսկ կոծկել նա չի ուզում: Մնում է միայն մի միջոց, և այդ միջոցը

նրա ձեռին է: Ահա:

Նա յափուռնչին ուսերից ցած գցեց, կանգնեց օթևանի մեջտեղում

և դաշույնը մերկացրեց:

Այդ ժամանակ նրա աչքերը փայլեցին կատաղի հրով, շրթունքները սեղմվեցին, քնթի պնչերը փքվեցին: Նա մտիկ արավ դաշույնի այս երեսին, այն երեսին և կոթը ավելի ու ավելի աջ ձեռում սեղմելով, փոքր առ փոքր բարձրացրեց: Նա դաշույնի ծայրը պահեց կրծքից մի փոքր ներքև, ձախ ձեռը հենեց կողքին և յուր հայացքը դարձնելով աջ ձեռին, որով սեղմած ուներ դաշույնի կոթը, ասաց.

Առանց հաղորդվելու, տեր աստված, տալիս եմ իմ հոգին սաթայելի ձեռը: Խանձա՛լ, անցյալ օրը քո ծախողը գովում էր քեզ, ես քեզ մինչև այժմ չեմ փորձել, տեսնենք ինչպես ցույց կտաս հունարդ:

Մեյրանի ձախ ձեռը թուլացավ, ընկավ կողքին, աջ ձեռը դողաց, և հանկարծ դաշույնն ընկավ օթևանի հատակի վրա սուր ծայրով և խրվեց գետնի մեջ:

Չէ, չեմ կարող, աստված չի թողնում:

Նա վերցրեց դաշույնը և շարտեց օթևանի մի անկյունը:

Դու չես կարող Սուսանին մահից ազատել, ասաց նա, նայելով դաշույնին:

Դեռ ժամանակ կա, ժամանակ կա սխալը ուղղելու: Այս րոպեին, հենց այս րոպեին վարձել մի ձի և շտապել Ռուստամի հետևից: Նա կարող է հասնել նրան: Կհասնի, ճշմարտությունը կպատմե, կասե, որ սուտ է ասել, որ հարբած

Էր: Այդ լավ պատճառ է հարբած լինելը: Տեր աստված, գոնե այս անգամ նրան միտդ բեր, այս անգամ օգնիր, իսկ հետո ինչ ուզում ես կանես: Արարիչ աստված, քո ձեռին է ամեն բան, կարող ես Ռուստամի ձիու մի ոտը ճանապարհի կիսում կոտրել կամ Սեյրանի ձիուն թներ տալ:

Նա յափունջին կրկին ձգեց ուսերի վրա, վեր առավ դաշույնը, դրեց պատյանի մեջ, երեսը երեք անգամ խաշակնքեց և դուրս գնաց:

Դրսում քամի չկար, արեգակ էր, բայց եղանակը սաստիկ

սառն: Սեյրանն ուշադրություն չդարձնելով յուր հագուստին, դիմեց Սանամը, որ Շամախու ամենանեկեղեցասեր պատավներից

մեկն էր, գանգակների ձայնը լսելով, իսկույն չարշովը գցեց գլխին: